

وقت لما تكون صعابى
حاجبة عن عيني السما

والقى نفسى في اضطرابى
بين حقايق مؤلمة

إنت وحدك تستطيع يا يسوع
تيجي وتفيض بالسلام

إنت يا حصني المنيع يا يسوع
اقوى م الخوف والظلام

وقت لما تكون جبالى
واقفه ضدى بمستحيل

والشكوك تنهش فى بالى
مين يشيل حملى الثقيل

إنت وحدك تستطيع يا يسوع
تيجي تنقل الجبال

إنت يا حصني المنيع يا يسوع
كلمتك فوق المحال

وقت لما السهل يصعب
والحاجات تطرح فشل

لما وعد الناس بيهرب
والعمل خاب والأمل

إنت وحدك تستطيع يا يسوع
ترد جوايا اللي ضاع

واللي يصعب عالجميع يا يسوع
يبقى عندك مستطاع